

# KALIFONIAS TXOJ KEV THEM NYIAJ MUS YUG COV MENYUAM UAS TISIS NROG YUS NYOB:

Ib Txoj Kev Pab rau Cov Niamtxiv ...



## Kev Pab rau Cov Neeg Uas Poob Haujlwm

Puas yog koj poob haujlwm, lossis koj cov xuab-moos ua haujlwm raug txo lawm? Yog muaj li ntawd, cov chaw sau cov nyiaj mus yug cov menyuam uas tsis nrog yus nyob yuav pab tau koj.



### Txo Tus Nqi Uas Koj Tau Them Mus Yug Cov Menyuaam Uas Tsis Nrog Koj Nyob

Koj yuavtsum tau ua ntawv mus thov kom lub tsev txiavtxim txo thiab ua ntawv tsocai kom txo tus nqi uas koj tau them mus yug cov menyuaam uas tsis nrog koj nyob rau koj. Luag yuav tsis cia li ua li ntawd rau koj thaum koj poob haujlwm lossis cov nyiaj khwv tau los raug txo lawm.

Kalifonias txoj kevcai kam kho (pauv) tus nqi uas koj yuav tau them mus yug cov menyuaam uas tsis nrog koj nyob yog tias koj muaj kev hloov. Thaum muaj neeg tau thov mus kom kho, luag yuav nce lossis txo tus nqi uas tau them. Cov kev hloov ntawm tus nqi uas koj tau them yuav pib hnuv uas lub tsev txiavtxim ua ntawv tsocai kom kho mus. Yog xav paub ntiv txog qhov uas luag xam tus nqi uas yuav tau them mus yug cov menyuaam uas tsis nrog yus nyob, thov mus xyuas peb phau ntawv uas muaj npe, "Luag Xam Tus Nqi Them Mus Yug Cov Menyuaam Uas Tsis Nrog Kuv Nyob Licas".

### ■ Thaum twg thiaj tsimnyog kuv thov kom luag kho?

Koj thov tau kom luag kho yog muaj ib lossis ntau yam kev hloov li hauv qab no:

- Koj raug tso lossis ncaws tawm haujlwm.
- Koj mus ua ib txoj haujlwm tshiab lossis ib txoj haujlwm ntxiv, uas ua rau koj cov nyiaj khwv tau los hloov.
- Koj lossis tus niam/txiv uas tus menyuaam nrog nyob cov nyiaj khwv tau los nce lossis nqis.
- Muaj kev hloov txog kev nrog nyob lossis mus xyuas.
- Koj xiam oob-qhab lawm.
- Koj raug xa mus tua rog.

### ■ Kuv yuav thov txoj kev kho licas?

Hu mus rau lub chaw sau cov nyiaj them mus yug cov menyuaam uas tsis nrog koj nyob hauv koj lub nroog ntawm: 1(866) 901-3212, lossis <http://www.childsup.ca.gov/Home/LCSAOffices/tabid/301/Default.aspx>.

### ■ Kuv yuav tau muab dabtsi rau lawv?

Yuav kom lub chaw sau cov nyiaj them mus yug cov menyuaam uas tsis nrog koj nyob los nrog tshuaj saib puas tsimnyog kho tus nqi uas koj tau them, koj yuavtsum tau muab tej ntaub ntawv uas qhia tau txog qee yam li hauv qab no rau lawv:

- Cov nyiaj khwv tau los thiab cov kev siv
- Cov nqi them neeg zov menyuaam
- Ntawv fajseeb khomob
- Nyiaj xiam oob-qhab (SSI, SDI, SSA, etc.)
- Nyiaj poob haujlwm/nyiaj tawm haujlwm
- Nyiaj so haujlwm
- Ntawv qhia kev nrog nyob thiab kev mus xyuas

*"Kev Them Nyiaj Mus Yug Menyuaam...  
Yog kev txhawb Peb Cov Menyuaam Lub Neej rau Yav Tomntej"*

**COV THAWJ SAIB COV CHAW SAU COV NYIAJ MUS  
YUG COV MENYUAM UAS TISIS NROG YUS NYOB**

[www.csdaca.org](http://www.csdaca.org)



Child Support  
Directors Association  
*A Coalition of Experts Collecting Billions  
for California's Children*

